

ego dormivi, non quia s̄ēsistis, non quia insanistis; ego implevi quod volui, vos in scelere remansistis. Quis exigit tanta de Deo nostro, fratres, pro nostra redēptione et salutē, nisi charitas quæ nunquam cedit? O charitas quæ magnas vires habes, et de cœlo Deum depositisti; o cara sanitas, o sancta et vera charitas quæ tanta es in terris, quanta eris in cœlis! Quæ tantum potes in hac pugna mortalitatis adhuc sollicita, quantum poteris in illa perfecta pace secura? Evigila itaque omnis anima christiana, et si in te eminet virtus charitatis quæ omnia suscipiet, Domini tui imitare vestigia. *Christus enim*, ait apostolus Petrus, *pro vobis passus est relinquens vobis exemplum ut sequamini vestigia ejus*: et si ille propter te de cœlesti sede ad terrena descendit, tu propter te terrena fuge, appete coelestia. Si dulcis est mundus, dulcior est Christus; si amarus est mundus, pro te omnia sustinuit Christus. Via tibi factus est ipse salvator, surge, ambula, habes quo; noli pigrecere; sed forte queris quo? Vides enim viam et queris quo ducat hæc ipsa via? Ad veritatem et ad vitam. Si amas veritatem, si amas vitam, et cupis ad veri-

A tatem et ad vitam venire, a via noli errare. Video, inquis, viam et cupio ambulare; sed amara est: *Arcta enim via et angusta est quæ dicit ad vitam*; Christus transivit, et adhuc aspera est? Transierunt senes, transierunt juvenes, transierunt puellæ quæ viam quam times et horres tritam tibi fecerunt. Ambula ergo viam securus: ambula, quid enim metuis in hac via? Mortem? et mortem times qui ad vitam curris? Bonus es; bene in hac vita curris. Mors tibi janua est quæ te representat non quæ auferat vitam. Ambula ergo viam, imo ipse qui propter te factus est via, ipse te ducat per se ipsum; ipse est enim *via, veritas et vita*. Dic ergo tu, o anima fidelis et pia, dic secura, dic et cum propheta veraciter exclama: *Deduc me, Domine, in via tua, et ambulabo in veritate tua*: tunc ad te securus perveniam, si usque in finem tuam gratiam non deseram. Hæc, fratres dilectissimi, quæ a Domino ipsis charitatis dicta sunt sanctitatib⁹ vestræ, ita hærent sensibus et cordibus vestris, ut eadem ipsa charitas fructum in vobis operis inveniat, non folia laudis.

OPUSCULUM TERTIUM

SIVE

HOMILIA IN DOMINICA II ADVENTUS.

Ecce ex qua Tribu nasciturus esset Christus ex electione evangelica docemur. Ex David autem stirpe secundum carnem futurum esse, ita prænuntiatum est in psalmis: *Juravit Dominus David in veritate, et non frustrabitur eum, de fructu ventris lui ponam super eodem tuam*. Et rursum: *Semel juravi in sancto meo si David mentiar, semen ejus in æternum manebit et thronum ejus sicut sol in conspectu meo, et sicut luna perfecta in æternum, et testis in cœlo fidelis*. Et item in libro Paralipomenon: *Et factum est verbum Domini ad Nathan prophetam dicens: Vade et dic servo meo David: Hæc dicit Dominus: Annuntio tibi quod ædificaturus est domum sibi Dominus; cumque impleveris dies tuos ut vadas ad patres tuos, suscitabo semen tuum post te, quod erit de filiis tuis, et stabiliam regnum ejus. Ipse ædificabit mihi domum, et firmabo solum ejus usque in æternum*. Ego ero illi in patrem, et **D**ipse erit mihi in filium, et misericordiam meam non auferam ab eo, sicut abstuli ab eo qui ante te fuit; et statuam eum in domo mea, et in regno meo usque in sempiternum, et thronum meum firmissimum in perpetuum. Hæc omnia qui in Salomone putat fuisse impleta, multum errare videtur; nam qualiter in Salomone intelligendum est quod dictum est: *Postquam dormieris cuin patribus tuis, suscitabo semen tuum post te, quod erit de filiis tuis, et stabiliam regnum ejus?* Nunquid de illo Salomone creditur prophetatum? Minime; ille enim vivente patre suo cœpit regnare; nam hic dicitur: quia cum impleti fuerint dies tui et dormieris cuin patribus tuis, suscitabo semen tuum, ex quo intelligitur alium fuisse pro-

missum, qui non ante mortem David, sed post mortem ejus prænuntiatus fuerit suscitandus, qui ædificaret domum Domini non de parietibus manufactis, sed de lapidibus vivis et pretiosis, id est sanctis et fidelibus, nam et illud quod subjecit: fidelis erit dominus ejus, et regnum ejus usque in sempiternum coram me, attendat et aspiciat quisquam non de Salomone esse prænuntiatum; Salomonis namque dominum fuisse plenam mulieribus alienigenis colentibus idola, et ipse ab eis rex idolatriæ seductus, atque dejectus, qui dum bonus fuisse in initio, malum exitum habuit. Ergo quis est iste cuius domus est fidelis in perpetuum, et qui post mortem David promitterebatur suscitandus? Ille est utique de quo ipse David in psalmo octuagesimo octavo æstuans et proclamans dicit: *Tu vero distulisti Christum tuum*. Non est ergo Salomon, sed nec iste David, sed dilatatus est Christus. Ecce apparuit certe promissiones prædictas non in Salomone, sed in Christo Domino nostro, qui ex David genere ortus est, fuisse completas, de quo per Hieremiam ipse Dominus dicit: *Ecce dies veniunt, et suscitabo David gerumen justum, et regnabit rex, et sapiens erit, et faciet iudicium et justitiam super terram. In diebus illis salvabitur Juda, et Israel habitabil confideret, et hoc est nomen quod vocabunt eum, Dominus justus noster*. Et Isaías de Christo quia ex semine David natus est secundum carnem sic in consequentibus prophetiæ suæ dicit: *In die illa radix Jesse qui stet in signum populorum, ipsum gentes deprecabuntur, et erit sepulcrum ejus gloriosum. In signum populorum stat radix Jesse, quoniam Christus signaculum crucis exprimit*

in frontibus corum. Ipsum gentes deprecabuntur, quod jam obitum certum suisse completum. Sepulcrum autem ejus in tantum est gloriosum, ut exceptio quod redempti per mortem ejus gloriam exhibemus, etiam locus ipse coruscans miraculis gloriae suae, ob eam causam ad se omnem contrahit mundum. Hic locus in hebreo habet : *Et erit requies ejus gloriosa, utique quia moriens caro ejus non vidit corruptionem, secundum sententiam psalmi, quia non est derelicta anima ejus in inferno, nec datum est sanctum ejus videre corruptionem.* Iste est qui per Nathan ex semine David promittitur, qui etiam et per Isaiam prophetam ita prænuntiatur : *Egredietur virga de radice Jesse, et flos de radice ejus ascendet.* Haec virga de radice Jesse virgo Maria est, de radice David exorta, quæ genuit fænum Dominum salvatorem, de quo etiam sequitur : *Et requiescat super eum Spiritus Domini, spiritus sapientie et intellectus, spiritus consilii et fortitudinis, spiritus scientie et pietatis, et replebit eum spiritus timoris Domini.* Ideo autem tanta dona Spiritus super eum prædicantur, quia in eo non ad mensuram habitat Spiritus sicut in nobis, sed tota inest plenitudo divinitatis et gratiarum. Iste est qui non secundum visionem oculorum, et auditum aurium judicat, sed est justitia cingulum lumborum ejus et fides cinctorum renum ejus; in cuius ecclesia habitat lupus cum agno; ille utique qui solebat ab eo rapere prædains, et dum ad eam converteritur cum innocentibus coimboratur; in cuius ovili pardus cum hædo

A accubat, permixtu scilicet subdoli cum peccatoribus, ibi vel etiam vitulus ex circumectione, leo ex sæculi potestate, oves de populari ordine simul commorantur, quia in fide communis est commixtio omnium. Puer autem parvulus minans eos ille est utique qui se humiliavit pro nobis in parvulis. Bos autem et leo siwul comedent paleas, quia principes cum subjectis plebis communem habent doctrinam. Delectatur quoque infans ab ubere super foramine aspidis, dum gentes quæ solebant venena prædicare aliquando conversæ etiam parvuli Christi fidem delectantur audire; caverna enim reguli corda sunt infidelium, in quibus ille serpens tortus requiescebat, quem ablactatus comprehensum extinde captivum traxit, ut in moute sancto ejus, quod est Ecclesia, B non noceret. Jam vero quia ore propheticō de Mohab nascenti Christo perhibetur testimonium, idem Isaías testatur, *Ponam enim, inquit, super his qui fugerint de Mohab leonem, et reliquias terræ : emile agnum, Domine, dominatorem terre, de petra deserti ad montem filiæ Sion.* De bac enim gente Mohabitarum egressus est agnus immaculatus qui tollit peccati mundi, qui dominatur in orbe terrarum. Petra autem deserti Ruth significat quæ destituta morte mariti de Booz genuit Obed, et Obed Jesse, et de Jesse David, et de Davidica stirpe natus est Christus. Montem autem filiæ Sion aut historialiter ipsam urbe ille rosolymam dicit, aut juxta tropologiam Ecclesiam in specula, id est in virtutum sublimitate collocatam.

OPUSCULUM QUARTUM,

SIVE

SERMO IN CIRCUMCISIONE DOMINI.

Incarnationis divinæ mysterium, nostra que recordationis egregium sacramentum ob hoc a nobis annua revolutione celebratur et colitur, ut tanti coimmemoratio beneficij quod nobis indignis fuerit impensum ostendat, et quid tantæ gloriae debeamus admoneat. Proinde, fratres, quantum audivimus Dominum Jesum Christum pro nobis misericorditer humiliatum, tanto magis agnoscamus ineffabiliter gloriosum, in quo namque suam circa nos insuperabilem charitatem Dei unigenitus evidenter ostendit, in quo pro nobis humilitatem veræ carnis, veræque mortis, non coactus necessitate sed bonitate miseratus assumpsit. Quid enim boni feceramus, fratres, ut tantum nobis beneficium præstaretur? Quæ nostra bona merita fuerunt ut unigenitus Dei homo fieri dignaretur, ut Altissimus immolaretur, ut indeficiens Angelorum panis sœmineis D überibus lactaretur, ut sæculorum rex contumeliis afficeretur, ut vita æterna mori patientissime dignaretur? Attende igitur, homo, tantæ benignitatis dignationem, ut gratiarum persolvias humiliter actionem. Scito autem te non honorificiam, sed contumeliam divinæ gratiæ reddere si cœperis de tanti beneficii

C magnitudine dubitare; imo illa omnia quæ de humiliitate atque humanitate Domini Salvatoris audivimus, vera esse sine aliqua hæsitatione credamus. Et ideo magis gratias agamus, fratres, qui cum mereremur pœnam perceperimus gratiam, qua gratia factum est ut dum mors debet perditis, vita gratis donaretur indignis. Altissimi namque Salvatoris humilitas non ipsi aliquod intulit detrimentum, sed incrementum nobis contulit magnum, nec excelsum dejicit, sed dejectos erexit; ut enim plenum Dei Filius operaretur redemptionis nostræ negotium, non solum dignatus est Creator totius carnis de carne Virginis secundum veritatem carnis naturaliter nasci, et Deus factor hominis homo verus ex homine fieri, quinetiam pannis involvi in angustissimo præsepio, humanis manibus bajulari. O clementissimi Dei gloria benignitas, o altissimi Dei excelsa humilitas! Ille a matre nutriebatur infantulus, qui matrem sibi creavit immensus; ipse a parentibus in suum templum puer parvulus portabatur, qui Deus magnus in eodem templo a sanctis hominibus rogabatur; et idem pro se sacrificium præcepit offerri, qui sino peccato pro nostris venerat impietatis im-